

二十四史九通政典類要合編

唐

第 五 冊

欽定四庫全書

PDG

二十四史九通政典類要合編卷一百三十三

唐五

職官

內侍省 掖庭局 宮闈局 奚官局 內僕局 內府局 太子內坊局 內官 宮
官 尚宮局 尚儀局 尚服局 尚食局 尚寢局 尚功局 宮正司 正典正 太子
司農寺 御史臺 太常寺 光祿寺 衛尉寺 宗正寺 太僕寺 大理寺 鴻臚寺

內侍省監二人從三品

按舊唐書作正三品

少監二人內侍四人皆從四品上監掌內侍奉宣制令其屬六局

曰掖庭宮闈奚官內僕內府內坊少監內侍爲之貳皇后親蠶則升壇執儀大駕出入爲夾引

武德四年

改長秋監曰內侍監內承奉曰內常侍內承直曰內給事龍朔二年改監爲省武后垂拱元年曰司

宮臺天寶十三年置內侍監改內侍曰少監尋更置內侍有高品一千六百九十六人品官白身二

千九百三十二人令史

八人書令史十六人

內常侍六人正五品下通判省事

內給事十人從五品下掌承旨勞問分判省事凡元日冬至百官賀皇后則出入宣傳宮人衣服費

用則具品秩計其多少春秋宣送於中書主事二人從九品下

內謁者監十人正六品下掌儀法宣奏承敕令及外命婦名帳凡諸親命婦朝會者籍其數上內侍

省命婦下車則導至朝堂奏聞

唐廢內謁者局置內典引十八人掌諸親命婦朝參出入導引有內亭長六人掌回八人

內謁者十二人從八品下掌諸親命婦朝集班位分泣諸門

內寺伯六人正七品下掌糾察宮內不法歲讎則莖出入

寺人六人從七品下掌皇后出入執御刀冗從

右內侍省

掖庭局令二人從七品下丞三人從八品下掌宮人簿帳女工凡宮人名籍司其除附公桑養蠶會其課業供奉物皆取焉婦人以罪配沒工縫巧者隸之無技能者隸司農諸司營作須女功者取於

戶婢

有書令史四人書吏八人計史二人典事十八人掌固四人計史掌料工程

宮教博士二人從九品下掌教習宮人書算眾藝

初內文學館隸中書省以儒學者一人爲學士掌教宮人武后如意元年改曰習藝館又改曰萬林

內教坊尋復舊有內教博士十八人經學五人史子集綴文三人楷書二人莊老太一篆書律令吟詠飛白書并碁各一人開元末館廢以內教博士以下隸內侍省中官爲之

監作四人從九品下掌監涖雜作典工役

右掖庭局

宮闈局令二人從七品下丞二人從八品下掌侍宮闈出入管籥凡享太廟皇后神主出入則帥其

屬輿之總小給使學生之籍給以糧稟

有書令史三人書吏六人內閣史二十人內掌扇十六人內給使無常員小給使學生五十人掌固四人凡無官品者號

口內給使掌諸門進物之歷內閣史掌承傳諸門出納管籥內掌扇掌中宮織扇

右宮闈局

奚官局令二人正八品下丞二人正九品下掌奚隸工役宮官之品宮人病則供醫藥死給衣服各視其品陪陵而葬者將作給匠戶衛士營家三品葬給百人四品八十人五品六十人六品七品十

人八品九品七人無品者斂以松棺五釘葬以犢車給三人皆監門校尉直長泣之內命婦五品以上無親戚者以近家同姓中男一人主祭于墓無同姓者春秋祠以少牢有書令史三八書吏六人典事藥直掌固各四人

右奚官局

內僕局令三人正八品下丞二人正九品下掌中宮車乘皇后出則令居左丞居右夾引有書令史四人駕士百四十八典事八人掌固八人駕士掌習御車輿雜畜

右內僕局

內府局令二人正八品下丞二人正九品下掌中藏寶貨給納之數及供燈燭湯沐張設凡朝會五品已上及有功將士蕃酋解還皆賜於庭有書令史二人書吏典史掌固各四人典事六人

右內府局

太子內坊局令二人從五品下丞二人從七品下掌東宮閣內及宮人有稟坊事五人從八品下初

坊隸東宮開元二十七年隸內侍省為局改典內曰令置丞坊事及導客舍八人掌序導賓客關帥六人掌帥關八人給使以供其事內關八人掌承諸門出入管籥內織扇燈燭內廐尉二人掌車乘有錢事一人令史三人書令史五人典事二人駕士三十八亭長掌固各二人

典直四人正九品下掌宮內儀式導引通傳勞問糾劾非違察出納

右太子內坊局

內官貴妃惠妃麗妃華妃各一人正一品掌佐皇后論婦禮於內無所不統唐因隋制有貴妃淑妃德妃賢妃各一人為夫人

人正一品昭儀昭容昭媛修儀修容修媛充儀充容充媛各一人為九嬪正二品婕妤九人正三品美人四人正四品才人五人正五品寶林二十七人正六品御女二十七人正七品采女二十七人正八品六尚亦曰諸尚書正三品二十四司亦曰諸司事正四品二十四典亦曰諸典事正六品二十四掌亦曰諸掌事龍朔二年置贊德二人正一品宣儀四人正二品承闈五人正四品承旨五人正五品衛仙六人正六品供奉八人正七品侍櫛二十八人正八品侍巾三十八人正九品威亨復舊開元中元宗以后妃四星一為后后有后而復置四妃非典法乃置惠妃麗妃華妃以代三夫人又置六儀美人才人增尚宮尚儀尚服三局諸司諸典自六品至九品而止其後復置貴妃

淑儀德儀賢儀順儀婉儀芳儀各一人正二品掌教九御四德率其屬以贊后禮

美人四人正三品掌率女官修祭祀賓客之

才人七人正四品掌叙燕寢理絲枲以獻歲功

右內官

宮官尚宮局尚宮一人正五品六尚皆如之掌導引中宮總司記司言司簿司闈凡六尚事物出納

文籍皆蒞其印署有女史六人掌執文書

司記一人正六品二十四司皆如之掌宮內文簿入出錄為抄目審付行馬牒狀無違然後加印典

記佐之

典記二人正七品二十四典皆如之

掌記二人正八品二十四掌皆如之

司言典言各一人掌承勅宣付別鈔以授司闈專外

掌言一人掌宣傳外司附奏受事者奏聞承敕處分則錄所奏爲案記有女史四人

司簿典簿掌簿各一人掌女史以上名簿稟賜則品別條錄爲等有女史六人

司闈六人掌諸閣管鑰

典闈掌闈各六人掌分泄啟閉有女史四人

右宮官尙宮局

尙儀局尙儀二人掌禮儀起居總司籍司樂司賓司贊司籍典籍掌籍各一人掌供御經籍分四部

部別爲目以時暴涼教習則簿記課業供奉几案紙筆皆預侍焉有女史十人

司樂典樂掌樂各四人掌宮縣及諸樂陳布之儀泣其閑習有女史二人

司賓典賓掌賓各二人掌賓客朝見受名以聞宴會則具品數授尙食有賜物與尙功泣給有女史二人

司贊典贊掌贊各二人掌賓客朝見宴食贊相導引會日引客立於殿庭司言宣勅坐然後引卽席

酒至起再拜食至亦起皆相其儀

彤史二人正六品有女史二人

右尙儀局

尙服局尙服二人掌供服用采章之數總司寶司衣司飾司仗

司寶二人掌神寶受命寶六寶及符契皆識其行用記以文簿

典寶掌寶各二人凡出付皆旬別案記還則朱書注入

有女史四人

司衣典衣掌衣各二人掌宮內御服首飾整比以時進奉

有女史四人

司飾典飾掌飾各二人掌湯沐巾櫛凡供進識其寒溫之節

有女史二人

司仗典仗掌仗各二人掌仗衛之器凡立儀衛尙服率司仗等供其事

有女史二人

右尙服局

尙食局尙食二人掌供饌羞品齊總司膳司醢司藥司饎凡進食先嘗

司膳二人掌烹煎及饌羞米麴薪炭凡供奉口味皆種別封印

典膳掌膳各四人掌調和御食溫涼寒熱以時供進則嘗之

有女史四人

司醢典醢掌醢各二人掌酒醴醢飲以時進御

有女史二人

司藥典藥掌藥各二人掌醫方凡藥外進者簿案種別

有女史二人

司饎典饎掌饎各二人掌給宮人餼食薪炭皆有等級受付則旬別案記

有女史四人

右尙食局

尙寢局尙寢二人掌燕見進御之次叙總司設司輿司苑司燈

司設典設掌設各一人掌牀帷茵席鋪設久故者以狀聞凡凡掃之事典設以下分視

有女史四人

司輿典輿掌輿各一人掌輿輦織扇文物羽旌以時暴涼輿興以下分察

有女史二人

司苑典苑掌苑各一人掌園苑時植蔬果典苑以下分察之果熟進御有女史二人

司燈典燈掌燈各一人掌門閣燈燭畫漏盡一刻典燈以下分察有女史二人

右尚寢局

尚功局尚功一人掌女功之程總司製司珍司綵司計司製典製掌製各一人掌供御史加裁縫有女史二人

史二人

司珍典珍掌珍各一人掌珠珍錢貨有女史六人

司綵典綵掌綵各一人掌錦綵纁帛絲枲有賜用則旬別案記有女史二人

司計典計掌計各一人給衣服飲食薪炭有女史二人

右尚功局

宮正一人正五品司正一人正六品典正一人正七品宮正掌戒令糾禁譴罰之事宮人不供職者

司正以牒取裁小事決罰大事奏聞有女史四人阿監副監視七品

右宮正司正典正

太子內官良娣二人正三品良媛六人正四品承徽十人正五品昭訓十六人正七品奉儀二十四

人正九品司閤二人從六品三司皆如之掌導引妃及宮人名簿總掌正掌書掌筵

掌正三人從八品九掌皆如之掌文書出入管鑰糾察推罰有女史三八

掌書二八掌符契經籍宣傳取奏教學稟賜紙筆有女史三人

掌筵二八掌幄帟牀褥几案興織汎掃鋪設

司則二八掌禮儀參見總掌嚴掌縫掌藏

掌嚴二八掌首飾衣服巾櫛膏沐服玩仗衛有女史三人

掌縫二八掌裁紉織績有女史三人

掌藏二八掌財貨珠寶縑綵

司饌二八掌進食先嘗總掌食掌醫掌園有女史四人

掌食二八掌膳羞酒醴燈燭薪炭器皿有女史四人

掌醫二八掌方藥優樂有女史二人

掌園二八掌種植蔬果有女史二人以上
均新唐書百官志

右太子內官

御史臺大夫一人正三品按舊唐書作從三品中丞三人正四品下大夫掌以刑法典章糾正百官之罪惡中

丞爲之貳其屬有二院一曰臺院侍御史隸焉二曰殿院殿中侍御史隸焉三曰察院監察御史隸焉凡免而無告者三司詰之三司謂御史大夫中書門下也大事奏裁小事專達凡有彈劾御史以

白大夫大事以方幅小事署名而已有制覆囚則與刑部尚書平閱行幸乘輅車爲導朝會則率其

屬正百官之班序遲明列於兩觀監察御史二人押班侍御史顯舉不如法者文武官職事九品以上及二王後朝朔望文官五品以上及兩省供奉官監察御史員外郎太常博士日參號常參官武官三品以上三日一朝號九參官五品以上及折衝當番者五日一朝號六參官宏文崇文館國子監學生四時參凡諸王入朝及以恩追至者日參九品以上有十月至三月袴褶以朝五品以上有珂蕃官及四品非清官則否凡朝位以官職事同者先爵爵同以齒致仕官居上職事與散官勳官合班則文散官居職事之下武散官次之勳官又次之官同者異姓爲後親王嗣王任文武官者從其班官卑者從王品郡王任三品以下職事者居同階品之上非任文武官者嗣王居太子太保之下郡王次之國公居三品之下郡公居四品之下侯居從四品之下伯爵居五品之下子居從五品之上男居從五品之下以前官召見者居本品見任之上以理解者居同品之下本司參集者以職事爲上下文武三品非職事官者朝參名簿皆稱曰諸公凡出不踰四面關則不辭見都督刺史都護既辭候旨於側門左右僕射侍中中書令初拜以表讓中書門下五品以上及諸司長官謝於正衙復進狀謝於側門兩班三品以朔望朝就食廊下殿中侍御史二人爲使蒞之

八侍御史一人殿中侍御史二人監察御史三人元和後不置中丞
以侍御史殿中侍御史監察御史主留臺務而三院御史亦不常備

侍御史六人從六品下掌糾舉百寮及入閣承詔知推彈雜事凡三司理事與給事中中書舍人更
直朝堂若三司所按而非其長官則與刑部郎中員外郎大理司直許事往訊彈劾則太夫中丞押
奏大事法冠朱衣纁裳白紗中單小事常服久次者一人知雜事謂之雜端殿中監察職掌進名遷
改及令史考第臺內事顯決亦號臺端次一人知公解次一人知彈分京城諸司及諸州爲東西次
一人知西推贓贖三司受事號副端次一人知東推理匭等有不糾舉者罰之以殿中侍御史第一
人同知東推蒞太倉出納第一人同知西推蒞左藏出納號四推御史隻日臺院受事雙日殿院受
事次侍御史一人分司東都臺凡御史以下遇長官於路去戴下馬長官斂轡止之出入行止殿中
以下視以爲法先後有罰入朝則與殿中侍御史隨仗分入東則居侍中黃門侍郎給事中之次西
則居中書令侍郎舍人之次各居中丞大夫下每一人東嚮承詔五日有旨召御史不呼名則承詔
者出樂彥璋爲大夫以嘗召兩御史乃加副承詔一人闕則殿中承之監察御史分日直朝堂入自
側門非奏事不至殿庭正門無籍天授中詔側門置籍得至殿庭開元七年又詔隨仗入閣分左右
巡糾察違失左巡知京城內右巡知京城外盡雍洛二州之境月一代將晦卽巡刑部大理東西徒
坊金吾縣獄蒐狩則監圍察斷絕失禽者其後以殿中掌左右巡尋以務劇選用京畿縣尉又置御
史裏行使侍御史裏行使殿中裏行使監察裏行使以未爲正官無員數唐法殿中侍御史遷拜及

職事與侍御史鈞開元以降權屬侍御史而殿中兼知庫藏宮門內事故事御史臺不受訟有訴可聞者略其姓名託以風聞其後御史嫉惡者少通狀壅絕十四年乃定授事御史一人知其日劾狀題告事人姓名其後宰相以御史權重建議彈奏先白中丞大夫復通狀中書門下然後得奏自是御史之任輕矣建中元年以侍御史分享公廨推彈自是雜端之任輕矣元和八年命四推御史受事周而復始罷東西分日之限隋末廢殿內侍御史義甯元年丞相府置察吏掾二人武德元年改曰殿中侍御史龍朔元年置監察御史裏行武后文明元年置殿中裏行後亦顯以裏行名官長安二年置內供奉

主簿一人從七品下掌印受事發辰敷臺務主公廨及戶奴婢勲散官之職錄事二人從九品下

有主事二八臺院有令史七十八人書令史二十五人亭長六人掌固十一人殿院有令史八人書令史十八人察院有計史三十四人令史十八人掌固十二人

殿中侍御史九人從七品下掌殿庭供奉之儀京畿諸州兵皆隸焉正班列於閣門之外糾離班語

不肅者元日冬至朝會則乘馬具服戴黑豸升殿巡幸則往來門旗之內檢校文物虧失者一人同

知東推監太倉出納二人同知西推監左藏出納二人爲廊下食使二人分知左右巡三人內供奉

監察御史十五人正八品下

按舊唐書作正八品上

掌分察百寮巡按州縣獄訟軍戎祭祀營作太府出納皆

莅焉知朝堂左右廂及百司綱目凡十道巡按以判官二人爲佐務繁則有支使其一察官人善惡

其二察戶口流散籍帳隱沒賦役不均其三察農桑不勤倉庫減耗其四察妖猾盜賊不事生業爲

私蠹害其五察德行孝悌茂才異等藏器晦跡應時用者其六察黠吏豪宗兼并縱暴貧弱冤苦不

能自申者凡戰伐大克獲則數俘馘審功賞然後奏之屯田鑄錢嶺南黔府選補亦視功過糾察決囚徒則與中書舍人金吾將軍莅之國忌齋則與殿中侍御史分察寺觀莅宴射習射及大祠中祠視不如儀者以聞初開元中兼巡傳驛至二十五年以監察御史檢校兩京館驛大歷十四年兩京以御史一人知館驛號館驛使監察御史分察尚書省六司錄下第一人爲始出使亦然興元元年以第一人察吏部禮部兼監察使第二人察兵部工部兼管驛使第三人察戶部刑部歲終議殿最元和中以新人不出使無以觀能否乃命顯察尚書省號曰六察官開元十九年以監察御史二人莅太倉左藏庫三院御史皆初領繁劇外府推事其後以殿中侍御史上一人爲監太倉使第二人爲監左藏庫使凡諸使下三院御史內供奉其班居正臺監察御史之上

以上均唐書百官志

右御史臺

太常寺卿一人正三品少卿二人正四品上掌禮樂郊廟社稷之事總郊社太樂鼓吹太醫太卜廩犧諸祠廟等署少卿爲之貳凡大禮則贊引有司攝事則爲亞獻三公行園陵則爲副大祭祀省牲器則謁者爲之導小祀及公卿嘉禮命謁者贊相凡巡幸出師克獲皆擇日告太廟凡藏太享之器服有四院一曰天府院藏瑞應及伐國所獲之寶祔祫則陳於廟庭二曰御衣院藏天子祭服三

曰樂縣院藏六樂之器四曰神厨院藏御廩及諸器官奴婢

初有衣冠署令正八品上貞觀元年署廢高宗卽位改治禮部曰奉禮郎以避

帝名總朔二年改太常寺曰奉常寺九寺卿皆曰正卿少卿曰大夫武后光宅元年復改太常寺曰司常寺

丞二人從五品下掌判寺事凡享太廟則修

七祀於西門之內主簿二人從七品上

博士四人從七品上掌辨五禮按王公三品以上功過善惡為之謚太禮則贊卿導引

大祝六人正九品上掌出納神主祭祀則跪讀祝文卿省牲則循牲告充牽以授太官

奉禮郎二人從九品上掌君臣版位以奉朝會祭祀之禮宗廟則設皇帝位於庭九廟子孫列焉昭穆異位去爵從齒凡樽彝勺幕篚坩簋盞登鉶邊豆皆辨其位凡祭祀朝會在位拜跪之節皆贊導之公卿巡行諸陵則主其威儀鼓吹而相其禮

協律郎二人正八品上掌和律呂錄事二人從九品上八寺錄事品同

有禮院修撰檢討官各一人府十一人史二十三人謁者

十八贊引二十人贊者四人祝史六人贊者十六人太常寺禮院禮生各三十五人亭長八人掌固十二人

兩京郊社署令各一人從七品下丞各一人從八品上令掌五郊社稷明堂之位與奉禮郎設樽彝

篚幕而太官令實之立燎壇積柴合朔有變則巡察四門以俟變過明則罷

有府二人史四人典事五人掌固五人門僕八

人齋郎百一十八齋郎掌供郊廟之役太廟九室室有長三人以主樽彝篚幕鉶鐘又有盥洗二人郊壇有掌座二十四人以主神御之物皆禮部奏補凡室長十年掌座十二年皆授官祭享而員少兼取三館學生皆絳衣絳幘更一番者戶部下礪符箴一申考諸署所擇者太常以十月申解於禮部如貢舉法帖論語及一大經中第者錄奏吏部注冬集散官否者番上如初六試而絀授散官唐初以郊社太樂鼓吹太醫太官左藏乘黃典殿典客上林太倉平準常平典牧左尚右尚為上署鉤盾石藏織染掌治為中署珍羞良醞掌醞守官武器車府司僕崇玄導官甄官河渠弩坊甲坊舟楫太卜廩犧中校左校右校為下署

大樂署令二人從七品下丞一人從八品下樂正八人從九品下令掌調鐘律以供祭饗凡習樂立

師以教而歲考其師之課業爲三等以上禮部十年大校未成則五年而校以番上下有故及不任供奉則輸資錢以充伎衣樂器之用散樂閨月人出資錢百六十長上者復繇役音聲人納資者歲錢二千博士教之功多者爲上第功少者爲中第不勤者爲下第禮部覆之十五年有五上考七中考者授散官直本司年滿考少者不叙教長上弟子四考難色二人次難色二人業成者進考得難曲五十以上任供奉者爲業成習難色大部伎三年而成次部二年而成易色小部伎一年而成皆八等策三爲業成業成行修謹者爲助教博士缺以及補之長上及別教未得十曲給資三之一不成者隸鼓吹署習大小橫吹難色四番而成易色二番而成不成者博士有謫內教博士及弟子長教者給資錢而留之武德後置內教坊於禁中武后如意元年改曰雲韶府以中官爲使開元二年又置內教坊於蓬萊宮側有音聲博士第一曹博士第二曹博士京都置左右教坊掌俳優雜技自是不隸太常以中官爲教坊使

唐改太樂爲樂正有府三人史六人典事八人掌固六人文武二舞郎一百四十人散樂二百八十二人仗內散樂一千八百人音聲八十一萬

二十七年人有別教院開成三年改法曲所處院曰仙韶院

鼓吹署令二人從七品下丞二人從八品下樂正四人從九品下令掌鼓吹之節合朔有變則帥工人設五鼓於太社執麾旒於四門之塾置龍牀有變則舉麾擊鼓變復而止馬射設擗鼓金鉦施龍牀大儼帥鼓角以助振子之唱

有府三人史六人典事四人掌固四人唐并清商鼓吹爲一署增令一八

太醫署令二人從七品下丞二人醫監四人並從八品下醫正八人從九品下令掌醫療之法其屬

有四一曰醫師二曰針師三曰按摩師四曰呪禁師皆教以博士考試登用如國子監醫師醫正醫
工療病書其全之多少為考課歲給藥以防民疾凡陵寢廟皆儲以藥尚藥太常醫各一人受之宮
人患坊有藥庫監門莅出給醫師醫監醫正番別一人莅坊凡課藥之州置採藥師一人京師以良
田為園庶人十六以上為藥園生業成者為師凡藥辨其所出擇其良者進焉有府二人史四人主藥八人藥童二十四
八藥園師二人藥園生八人掌固四人醫師二十八醫工百八醫士四十八典藥一人針工三十八針生二十八按摩工五十六人按摩生十五人呪禁師二人呪禁工八人呪禁生十八人
醫博士一人正八品上助教一人從九品上掌教授諸生以本草甲乙脉經分為業一曰體療二
曰瘡腫三曰少小四曰耳目口齒五曰角法

針博士一人從八品上助教一人針師十人並從九品下掌教針生以經脉孔穴教如醫生

按摩博士一人按摩師四人並從九品下掌教導引之法以除疾損傷折跌者正之

呪禁博士一人從九品下掌教呪禁祓除為厲者齋戒以受焉

太卜署令一人從七品下丞二人從八品下卜正博士各二人從九品下掌卜筮之法一曰龜二曰

五兆三曰易四曰式祭祀大事率卜正卜日示高於卿退而命龜既灼而占先上旬次中旬次下旬

小祀小事者則卜正示高命龜作而太卜令佐莅之季冬帥候子堂贈大儺天子六隊太子二隊方

相氏右執戈左執楯而導之唱十二神名以逐惡鬼儺者出磔雄雞於宮門城門有卜助教二人卜師二十人巫師十

五人卜筮生四十五人府一人史二人掌固二人

廩犧署令一人從八品下丞二人正九品下掌犧牲粢盛之事祀用太牢者三牲加酒脯醢與太祝牽牲就勝位卿省牲則北面告牖以授太官籍田則供表於司農卿卿以授侍中籍田所收以供粢

盛五齊三酒之用以餘及彙飼犧牲

有府一人史二人典事二人掌固二人

汾祠署令一人從七品下丞一人從八品上掌享祭灑掃之制

有府二人史四人廟幹二人開元二十一年置署

三皇五帝以前帝王三皇五帝周文王周武王漢高祖兩京武成王廟令一人從六品下丞一人正

八品下掌開閣灑掃釋奠之禮

有錄事一人府二人史四人廟幹二人掌固四人門僕八人神龍二年兩京置齊太公廟署其後廢開元十九年復置天寶三載初置周

文王廟署六載置三皇五帝廟署七載置三皇五帝以前帝王廟署九載置周武王漢高祖廟署上元元年改齊太公署為武成王廟署朱全忠曰武明

以上均唐書百官志

右太常寺

光祿寺卿一人從三品少卿二人從四品上丞二人從六品上主簿一人從七品上掌酒醴膳羞之

政總太官珍羞良醢醢四署凡祭祀省牲饗濯漑三公攝祭則為終獻朝會享則節其等差錄事

二人

龍朔二年改光祿寺曰司宰寺武后光宅元年曰司膳寺有府十一人史二十二二人亭長六人掌固六人

太官署令二人從七品下丞四人從八品下掌供祠宴朝會膳食祭日令白卿詣厨省牲饗取明水

明火帥宰人割牲取毛血實豆遂烹又實簠簋設於饌幕之內

有府四人史八人監膳十人監膳史十五人供膳二千四百人掌固四人

珍羞署令一人正八品下丞二人正九品下掌供祭祀朝會賓客之庶羞榛栗脯修魚鹽菱芡之名

數

武后垂拱元年改有藏署曰珍羞署神龍元年復舊開元元年又改有府三人史六人典書八人錫匠五人掌固四人